

QUÆSTIO MEDICA,  
CARDINALITIIS DISPUTATIONIBUS  
MANE DISCUTIENDA  
IN SCHOLIS MEDICORUM.

Die Jovis trigesimâ-primâ Martii 1718.

M. JOANNE PESCHARD, Doctore Medico Præsidente.

*An sit urbis & agri Parisiensis aer saluberrimus?*

I.

GRAVITATE aeris ac vi resiliendi intima atque extima corporis afficiuntur. *Elaeterium* interni continetur ab externi pondere intra fines æquilibrii, quo sublato, liquida perturbantur, solida dissiliunt; at elaterio densius contracto, motus fibrarum languescit, fluidorum retardatur. Mirimus scitari aha beat aer à se vim resiliendi, an mutuetur à materiâ subtili? Isti se torqueant scrupulis otiosi physici; satis esto nobis manifestum aeri inesse elaterium, undè corporis humani functiones rectè deducimus. Commentum est, verus quidem, commentum tamen, functionum miracula à particulis sanguinis oriri subtilibus, spirituosos, cerebri glandulosos incerniculis percolatis, atque emissis in partes per tubulos nervorum. Rem diligentius scrutare: spiritus nati è sanguine, acti pernici motu, in tenues abeunt particulas: facto remissiori, densantur, quiete torpidi jacent atque inertes. Nedom sint motus principium, motum ab alio recipiunt. Aer sola vis & potentia naturæ, materialis ille spiritus qui intus agit, ea mens quæ totos per artus infusa molem agitat, hanc Deo virtutem concedente, Expeditus ab alienis corporibus, & pondus & instam vim resiliendi, nullum passus detrimentum retinet, quia nihil particularum ejus figuris potest inferre mutationem *essentialem*; figuræ verò ita aptatæ sunt ut adjuncto pondere nihil desideretur, quod in primo requiritur motus principio materiali: in omnia genera corporum solida vel liquida sua tenuitate se inserit, mobilitate in primis liquida exagitat, concutit, ex occurrat partium ex quibus illa constant, tum ex earundem raritate aut densitate, situ, configuratione, tum ex omnium ratione ad invicem, passus innu meras determinaciones & collisiones, omnes tum à se, tum ex occasione materiæ cui permiscetur naturæ corporeæ generat effectus rectè conjeceris esse figuræ spiritalis, ejus particulas singulas habere *compressionis* atque *extensionis* præscriptos limites, quos prætergredi vis creata non potest. Simul collectæ vocantur *Atmosphæra*. Quælibet vicinæ pondere compressa resilit quantum potest: plenè libera maxime expanditur, pondere obruta coarctatur ad rationem ponderis. Undè ex tota mole in *indefinitum* nulla planè sui juris est.

A.

nituntur singulæ vicinarum pondus excutere, vim singulæ patiuntur, quàm conantur superare ac repellere. Isto mechanismo tota moles assidue exagitur, exagitateque sibi permixta corpora, ad certos motuum gradus, certaquæ materiæ figuris instructæ rationes, Singula scaturiunt ab eo fonte naturæ phenomena. Conclusus in humano sanguine premitur pondere totius atmosphære, molecularum liquidorum, resilit quâ ratione premitur, Ex eâ perenni liquidorum particulæ particulis aëris implexæ, perniciousiter moventur, contunduntur, quatuntur, & in fluidum abeunt, quod par sit tubulorum exitum tenuitati. Istis stat vitæ tenor, istis functiones quæ caprum superant. Hoc sublato motore sanguis & humores relabuntur in molem viscidam, nullis partem obeundis functionibus. Non ab aliâ quoque repetendus erit origine motus circuitionis, qui certas sequitur lineas directionis: sanguis in cor ingressus premitur velocitate quâ fertur, propriâque gravitate aërem intra fibræ moricis canaliculos inclusum. Fibra sit longior, atque interea sanguis excipitur intra ventriculos. Aer compressus resilit, expanditur, fibræ ipsum contineris diametrum fit amplior, & idèd fibra sit brevior, ventriculi angustiores subitoque coarctati, sanguinem suis collectum sinibus magno impetu in patientes artérias adigunt. Erunt caterarum functionum ratio similis. An primum ingreditur aër pulmones recens nati, quia thoracis muscoli dilatantur? An è contra dilatantur, quia ingreditur aër? Quæstio ex facie difficilis faciliè solvitur. Dum latebat infans in utero conclusus, aer in sanguine, & partibus ejus solidis premebatur pondere partium solidarum corporis illius, tum etiam uteri, tum atmosphære. Nato infante pondus uteri detrahitur. Hac sublata resistentiâ fit liberior, potentius vires exerit, intumescunt muscoli thoracis, & quia omnia plena sunt, externum aërem in pulmones impellunt; illuc enim fugit ubi minus premitur, non solum pectus inspirationis motu concameratum in sinus suos adigit aërem circumfusum; confert etiam plurimum ejus vis elastica in pertusam trachæam-arteriam, canis viventis inseras tubum ferreum: aptaveris alteri extremo vesicam aut phialam vitream aëre plenas, haud minus solito more canis spirabit, vas autem alterutrum, inspiratione vel expiratione alternantibus, alternatim, aëre vacuabitur vel replebitur sic internus aer in prima inspiratione, externo præbet aditum; sic solidis & liquidis motum ad cæteras rationes imperitur, semper salubris, & vitæ beneficus autor, quandiu non scateat crassus ac sulphureis expirationibus & viscidis, quibus luerenti atque ad motum tardi fiunt liquores, aeris quem ducimus intricatâ vi resiliendi. Si certis in regionibus ab illis quibus inquinatur sordibus faciliè se expedire non possit, graves noxas infert & lethalem perniciem.

## II.

L. De Elasti.

**I**STIUS habemus autorem doctrinæ magnum Hippocratem, „aer, inquit, „sanè maximus est in omnibus quæ corpori accidunt, & autor & dominus: Quare opetæ prærium est ejus potentiam diligenter perspicere. „mortalibus autem vitæ, & morborum ægrotis solus is est autor . . . undè „non aliunde unquam verisimile est morbos evenire, quam inde. . . si is „aut plus aut minus, aut cumulatior, aut morbidis sordibus inquinatur in „corpus se ingerat . . . demonstrabo omnes morbos ex hoc oriendos, „corporibus innasci ac generari; primum autem à communissimo morbo febri exordium sumam &c. Pondus aeris & vis resiliendi, à seipsis incorrupta atque integra patiuntur *accidentales* mutationes ex miscelâ corporum, in præcelsis montibus aureo arvernæ, insulæ *Teneris*, &c. Utraque virtus quam maximè expanditur, undè *elaterium* infringitur, & pondus dissolvitur, ut aer istorum cacuminum protulsi alter ab agrorum aëre videatur, Vesica contracto collo flaccida in montium pedibus, in vertice intumescit ut dissiliat. Agris incumbens, nec crassis vaporibus, nec calore, nec frigore à solito pondere toto in orbe plurimum visus est sensum judicio dimoveri. Sub zonis ca-

lidis & frigidis in Oceano, & continenti mercurius ad 28 pollices, aqua ad 32 pedes ascendunt. Pondus tamen non nihil remittit vel augetur pro vaporum aëris particulis inhærentium crassitie vel tenuitate, calore vel frigore. Expirantia à lacubus putribus aut terris sordida uligine foetidis vim aëris irrunt, implicant spirales particulas quodam quasi visco ut sic irretitæ vix se possint explicare, undè resiliendi vis sequitur ponderis mutationes pro gradibus laxitatis aut coarctationis. Thermometra & Barometra ponunt ob oculos istas vicissitudines, quibus fit ut ab æquinoctio Autumnali ad solstitium Hyemale quolibet die minùs libram circiter perspiremus, indè usque ad æquinoctium Vernale incipiamus liberids perspirare *sanctorius*. Spissa viscidaque sulphura quæ spiritu ducimus, duplici sanguinem vitio inficiunt. Is liquor ex carnibus, cæterisque alimentis expressa gelatina opus habet ut illi permixtus aer exerat assidue vim *elasticam* ad ipsum contrudendum ut in liquidum subtile facescat, quò fluat liberids, secus, ad pristinam brevi quiete relabitur spissitudinem, conglobatur, coagulatur. Gelatina animalium ab igne liquefit, & aquam fluentem tandiù refert, quandiù perstant igneæ particule, ubi evanescere, abit in viscus adeò tenax, ut ipsum quo asseres conglutinantur, sit gelatina quam boum pedes, aures, &c. suppediant. Sulphurea miasmata (atque istud est alterum vitium quod ab impuro spiritu sanguini inuritur) acerrimæ, quandoque causticæ sunt indolis, ut vincula sanguinis celerrimè solvant, discerpèdo texturam, cā laxatā labitur in grumos, & serum exurens, quo gignuntur in illis horrenda symptomata qui peste aut venenis interimuntur aut etiam fumo antimonii, carbonis, mercurii, arsenici, &c. sales vitriolici, aut alii aculeis scindentibus instructi ex istis erumpunt, adacti ignis vi, hausti spiritu, in sanguinem infusi, subitò totam ejus texturam evertunt, concretā parte sulphureā functiones citò extinguuntur, nisi aliquando strages, & lethale coagulum aut frigidā statim aquā affusa, aut spirituosos oleos pro discrimine venenorum, celerrimè cohibeantur. Aëris liberi vis *elastica* calore vehementi etiam minuitur, augetur aëre concluso intra vasis latera. In priori casu, infusus particulis à quibus calor exoritur, moles aërea nimis expanditur, & distractæ vires debilitantur. Linteum patens inculento igni objectum, avicula, papilio in flammam aguntur præcipientes ab aëris frigidioris, & idèò constrictioris urgentis à tergo, præpollentibus pondere & *elaterio*, quibus sustinentis calidus est impar, viribus divisis & fractis, hinc obturato collo ad ignem admota vesica non rarò dissilit, quod nequeat externus aer calidus interni resiliens impetum repellere, aut in æquilibrio continere. In posteriori intrā latera vasis aëri non datur spatium effluendi, & sese explicandi. Ignæ particule tum velocitate quā torquentur rum suo pondere premunt aëreas, quæ tantum resiliunt, quantum premuntur. Hæ sunt quas aer parit mutationes, quas corporum potest humoribus inferre. Igitur ex Hippocratis doctrinā, & experientiā, ille in humani corporis functionibus, aut functionum læsione maximam sibi partem vindicat. Potens est auror vitæ & morborum pro raritate vel densitate, prout scatur sordibus, aut ab eis liberatur.

## I I I.

**A**TQUI Parisiensis urbis & agri vaporibus noxiis aer vulgò non obsecratur, & insalubres, si qui sint, facile situ locorum tolluntur. Primus ex scriptoribus Julius Cæsar de *Parisiis* mentionem fecit. Fuit ab illo subacta, brevi, jugo excusso, iterum redacta in Cæsaris potestatem, qui eo transtulit supremum à Gallie consilium, unde conjicere est Romanos ibi Proconsules in Galliam missos sedem fixisse; fixit b cerrè Julianus Proconsul creatus à consanguineo Constantio Imperatore, quo postmodum extincto, à e Parisiensibus salutarusest Imperator. Urbem d vocat ipse *ἡ πόλις Ἀλεξανδρία*, charam Lutetiam: opulentam, florentem, populosissimam. extollit. e Valentinianus

A ij

a Lib. de Belle Gallico.  
b Anna 358.  
c Ammiano Marcell. à. 1  
lib. 35 ad 20.  
d Lib. μυστ. πού. α. 1  
ΑΥΤΟΚΡΑΤΟΡ.  
e 365. 366.

f 383.

g 508.

h Pierre à chaux.

i Talc.

k Pierre de taille.

l Moilon.

m Thuille.

n Brigue.

o Le Commiss. la Marre.

primus, dein *f* Gratianus reduces à bello Allemanni indicto Lutetia hyemabant. Præbuit sedem Merovæo, & Childerico. Tandem *g* Clodovæus ditionis suæ caput esse voluit, eoque ab istis temporibus gaudet insigni titulo honoris. Ne mireris numero adificiorum & magnificentia superbire, *h* Lapis Calcatius, *i* specularis ex quo gypsum, *k* scellilis, ecementum *l*, terra pinguis quæ induratur in laterem *m*, & *n* laterculum coctilem, commodè non longè ab urbe reperiuntur quibus crevit ad eam magnitudinem quam hodie suspicimur. Ex decem vicis ultra citraque Sequanam positis in unum coagmentata, moenibus à Philippo Augusto cincta fuit. Optimus est & fertilis tractus Parisiensis. Septemdecim annes *o* pares vehendis lintribus in Sequanam præcipitant, quibus asportat ad urbem omnium Provinciarum divitias, imo totius orbis opulentiam, tum quia in Oceanum & in Mare Mediterraneum non nulli ex istis annibus influunt, rum ipsâ Canaliū arte constructorum communione. Sic terris & urbibus mare, terras & urbes mari Sequana conjungit, sic gentes omnes commercio cum Lutetia miscet, ut quod genitum est usquam illud Parisiis natum esse videatur. Sic usibus ingentis populi omnis generis annonæ exuberat, unde lætetas, nec fames usquam. Divitias non asportatas è longinquo sed in agro Parisino natus dixeris. Quis illum istarum sterilem suspicietur? Sequana, ut alter Nilus, alendis, augendisque seminibus, ita gloriari potest, ut tellus nihil aliquando debeat imbribus & celo, proprio semper amne perfusa; alio genere aquarum ferè non pinguescit, quam quas ille devehit. Tantis segetibus, oleribus, & fructibus induitur, ut cum feracissimis agris quasi nunquam cessura possit certare. Terras & cæcis canalibus & benigno rore ex alveo crumpente, sic irrigat, ut usque ad injuriam sterilitatis rarè exarescant. Visæ sunt æstiva tempestate non semel alto pulvere incandescere, populus cælum respexit, nubila optavit: Fluvius parens fecunditatis ubertatem annonæ per agros effudit, nubeculis tenui rore rurgentibus segetes involvens, sic damna relascebat quæ ex imbrium penuriâ immincebant; circumactus per longa & flexuosa itinera, Mæandrum imitatus, placido, mollique lapsu, tardius festinat terram beatam relinquere. Dum campos irrigat aquis salubribus omnium regionum spolia tergo transportat; deportat ad gentes cæteras opulentiam suam, revehit ab illis thesauros, aromata, &c. Ut quæque præciosissima sint velut inquilina: exturbat apud extraneos mala sterilitatis, suis incolis bonas fecunditatis largitur, gentibus omnibus beneficus, suis salutaris. Hinc sine flumine numquam urbs ad eam magnificentiam quam exteræ nationes invidiosè admirantur, se se extulisset.

## I V.

Lib. de aer, loc, ag.

**T**RIA commoda situ felici, & naturâ loci ocelique obrinet Lutetia, quæ desiderat Hippocrates in salubri civitate. « Quæ quidem urbes, inquit, benè sitæ sunt ad solem, & ad ventos, & aquis bonis utuntur, hoc minùs à » talibus mutationibus afficiuntur; quæ verò aquis palustribus, ac lacustribus » utuntur, & non bene sitæ sunt ad ventos & ad solem, hæc magis. Appositus est hujus loci commentarius urbis & agrorum ejus descriptio. Tellus quæ circumscripta, pinguis est arena, nec paludibus infecta, nec consita sylvis, nec montibus, quorum vapores acri labem inferant, neque reptilium, neque animalium venenatorum, quæ sunt terræ uliginosæ, aquæ deterrimæ lacustriis nullo, vel pigro lapsu repenti, & crassi aeris progenies, ferax esse deprehenditur, venti perstant undecumque, & tollunt damnosa miasmata, nec montium, nec sylvarum obicibus intercepti aut retardari. Illi ab urbe longius distiteri, & cacuminibus depressis, hoc minores ac rariores sunt, quam ut possint cursum ventorum cohibere, tam utilem ac necessarium excutiendis perniciosissimis terrarum expirationibus, aut illuvici exhalanti tollendæ, natæ ex promiscuo numerosissimi populi coalitu, efficiunt ne corruptelam contrahat aer,

perennis magni fluminis aquarum exagitatio, motus assiduus & concursationes plebis trepidantis, ignes toto anno ex domibus fumos eructantes. Græcæ urbes per plateas accensis ignibus vel à peste liberavit Hippocrates, vel reddidit securas, Parisiis æquam vulgo servant inter se rationem anni temperatae, nec acerrimo solis æstu torridæ, nec vi frigoris intolerabili obrigentes. Hyemem ver temperatam ex aquo ab utroque extremo recedens excipit; nubila & pluvix mitigant æstivum calorem. Istis vicibus nec pestis, nec morbi contagiosi qui per zonæ torridæ tractus grassantur frequentes diuturno urentique ardore gignuntur, nec scorbutus aut peripneumonix, nec ferinæ tussis, nec rheumatismi sæviunt, ut illis in regionibus, quæ ad arctum gelidam prospectant. Autumnus principio refert æstatis declinantis calores, sub finem primos hyemis morbus. His adde urbem ab Oceano iusto distitam esse intervallo, si propior staret, perpetua nubila obducerentur, ut Londini, Copenhagenæ, Amstelodami, &c. Ubi penè lucis etiam fugacis usus aliquando eripitur; si longiori: nubeculæ per vices ex Oceano in aerem diffusæ non refrigerarent. Ex repressâ insensibili transpiratione vel manante copiosius, velut ex ubertimo fonte scaturit morborum omne genus: affatim erumpente corpora contabescunt, ut sit in aere subtiliori, sicciori, calidiori, cohibita aut interturbata in frigido & crasso, sanguini omnem inurit corruptelam. Alienus est ab utroque vitio aer Parisinus: hyeme atque æstate ab autumno & vere contempteratis, subitis atque extremis corpora mutationibus non læduntur neque transpirationis effluvia vel nimis urgentur vel citò coeſcentur. Parisiis ferax est autumnus morborum qui hyeme ut plurimum fugiunt, rarè ad ver protrahuntur. Debacchantur crudeliter aliquando febres malignæ, variolæ, peripneumonix, sed vix sunt epidemicæ, sæpiùs hyeme proſigantur. Morbi populares, ut scorbutus, ab aliquot annis grassatus in plebeculam, non aeris vitio, sed vitiosæ annoaræ rectè adſcribantur: Beatus etiam rerum copiâ populus uti si sciret, abusu sit miserrimus. Plures occidit gula quam gladius. Non servat quantitatis alimentorum rationem cum exercitationibus, quibus parum fubelevatur gravatus stomachus cibis suavissimi saporis, gulæ irritamentis languida, vividioribusque penè detrita palaria in morbus reſcipientibus. Observatum est à pluribus sæculis Parisinos corripì morbis contagiosis ex negligentia vias urbis, plateas ac domos à sordibus & luto purgandi. Teste Rigordo Medico, & Historiographo Philippi Augusti factor abominandus ex cænosâ viarum colluvie & spureitiâ exhalabat ut ipſus Regiæ penetralia inquinaret. Princeps, medici adhortationibus factus animosior anno 1148 vias silicibus constravit; quod alii Reges operis magnitudine deterriti derectave-rant. Mutato *Lutetia* nomine, urbis tum primum dicta fuit *Parisi*. Ut Reges, Senatus, & Magistratus sequentibus sæculis pestis & morborum causas & occasiones ex contagio præſcindere, Edicta legesque plurimas emisere, à quibus, quod plurimum ad Ludovicum XIV. descivissent Parisini, sub initium regni illius, ocreari sordium metu, incedere cogebantur. Huic summâ diligentia Rex incommodo prospexit atque consuluit. Et quæ Hollandiam, Belgiam, Campaniam, Normaniam, Picardiam, ad Bellovacum anno 1668 pestis depopulabatur; cæteris regionum istarum oclulis urbibus, positis custodibus, Lutetiâ apertâ, profugos ex illis in sinum excipienti, cives non læsit. Si diligenter pavimento stratae sint viæ, nihil à pestiferæ expirationes, & horrenda contagia nocent.

Quot cives, tot testes salubritatis aëris Lutetia complectitur, quibus potandam præbet aquam Sequana. Hic bonitate superat Entem, Coaspm & Gangem, quorum ex omnibus fluminibus Reges Persarum, Parthorum, Mogolorum, aquas eligebant. Compertum est experimentis nullam aquâ pluviali quæ è Sequanâ exhalat, esse suaviorem, leviozem, tenuiorem, idèoque salubriorem. Hæc nascitur salubritas aquarum, tum ab alveo arenoso, à fœdâ uligine puro, tum ab aëre quo verberantur. In illas infundit salem nitrosum, subtilem, volatilem, à quo & ipsa tellus istis aquis diluta, aut pluviiis perfusa,

trahit fecunditatem, bonitatemque, quam fructibus quos à sinu profundit, impertitur. Docuit experientia rudes hortulanos terram aquâ puteali non ante perfundendam, quàm aëri patenti aliquandiu objectâ, benignos ejus influxus hauserit. Agri Parisiensis pagi & villæ frumenta, fructus, oïeta, & legumina omnis generis, in cibos suavissimos numerosâ plebi suppeditant, à quibus & inculpatâ utitur sanitate, & nunquam, nisi vexet miseram annonæ caritas, læsam fuisse deprehensum est. Sancti Clodoaldi, Surcennæ, Argentolii vina, à Burgundo & Campano sapore superantur, quod nimia stercoratione vites urgeantur ab avaro Vinitore penè solius quantitatis studio, sed fortè Burgundo Campano salubritate non sunt inferiora; neque enim idè salubria sunt alimenta, quia sapore gustui blandiuntur. Tenuia sunt hæc vina, paucò sulphure & sale fœta, at phlegmate turgent plurimo, quod magis ad aquam simplicem dissolvens illud universale, accedunt; hinc ab illis facilius feliciùsque solvuntur argumenta.

Osties ad nonagies circiter centena millia civium, decem mille pagi aut villæ ad decem circâ urbem leucas in agro Parisiensi disseminati, arguunt nec male sanum esse aërem, nec à terrâ tetrâ expirationibus devorari habitatores; neque fecundissimis locis ager insalubris paratur, neque effœtis saluberrimus. Frustrâ salubris est locus, ubi peritur fame; frustra fertilis est, ubi non licet vivere: sic ubique salubritas juncta est fecunditati. Quot agri morbis in urbe correpti, aut pertinacibus, aut lethalibus, vel prorsus in aëre rustico Parisiensi sanantur, vel saltem, mitigato morbo, & feliciùs & diutius vitam protrahunt. Carcinoma ulcere patenti mulieris mammam depascens Altavillæ, solo tepidâ fori, præter spem, tribus mensibus, ac paucis annis fuit omnino sanatum: scilicet tenui ac penetranti ruris aëre sensum illæ solvuntur humorum coagulationes, quæ in urbis aëre densiori contrahuntur. Cachectici, eligatur succus & subtilis; Phthisici, Mactis, & pectore debilio-ribus crassior nemorum aut fluminum viciniâ.

a Veteres ex populorum motibus aëris in quo vivebant, indolem deducere solebant. Parisinorum sunt motes suavissimi atque honestissimi, ut hospites vir ab illis averti se patiantur, ut socii Ulyssis: Illic Sirenes, & coguntur sateri se domi suæ non tractari melius. Convivia & congressus conduunt, atque exhilarant facietis ac leporibus, ne tædium aut fastidium obrepat. Non confabulantur cum hospitibus, ut cum ignotis, sed velut cum olim notis ac familiaribus. Ex istâ Parisinæ gentis humanitate, ita torius nationis per Europam & Gallicæ elegantæ fama dimanavit, ut Parisinos quasi morum Magistros adeant, audiant, atque imitentur extranei Nobiles, ipsique Reges potentissimi linguae studeant, libros evolvant, instituta & vitæ rationes scrupulosius in se referant; quod propius quisque studia Parisinorum assequitur, eò magis crescit illi fama apud populares ejus, quibus inest sensus. Accipiunt inaptimis à mulieribus Parisinis in quibus mira est ingenii & formarum felicitas, hujus expolitæ humanitatis disciplinam. Rident illæ, sed cum dignitate; lasciviant, sed decore; ludent, sed graviter; lepidis, ingeniosis, acutis festivitatis, alunt audientes, ac docent; condiendo urbanâ comitate ac fabulis sermones, ingenio capiunt audientes, animum pulchritudine. Acerrimo judicio magnas aliquando secant res, ut viros omni doctrinâ, & longo rerum usû, prudentissimos non pœniteat aliquam in consilium advocare. Sexus discrimen sapientiâ negligitur. Ex urbe humanitas, doctrina, jura, leges, Medicina, opeta magnifica, exquisitæque artes, & ortum duxerunt, & perfectæ sunt, atque in omnes terras distributæ. Plurimas in Europâ Christianâ peperit Academias Universitates Parisiensis, è cujus sinu prodierunt Varrones, Bartholi & Cujaces, Augustini, Hippocrates. b Parisienses sibi Theologicæ scientiæ laudem omnibus prope submotis, peculiariter arrogant, Hinc Summi Pontifices Lutetiam magnificis laudibus extollunt. Hic c vocat aliam Cariath-Sepher, civitatem Litterarum: ille d Scientiarum flumen, quodd in totum orbem diffunditur. Thippus Pulcher e ab illâ, velut à primâ origine testatur omnem fluxisse doctrinam.

a Virgil. Georg. l. 2. v. 417. Verum ubi tempestas & cæli mobilis humer, &c.

Juvenal. Satyr. 10. Vervœcum in crasso juratæ aëre nasci.

Horat. l. 2. Epistolarum. Bæotum juratæ in crasso aëre natum.

b Erasmus in præf. c Greg. IX. Epist. ad sanctum Ludovic. an. 1232. d Urban. V. an. 1366. e An. 1311. in Privilegio. Cirurgio Parisien. concessio.



Unde Concilijs a generalibus Universitas per Legatos ut oraculum interfuit, & rebus gravissimis atque ancipitibus implicati, ab illâ sententiam rogavêre, & sequuti sunt Summi Pontifices, Reges c, Episcopi, Senatus & Populi; hanc à pluribus sæculis collectam famam alit augetque Luctetia in dies, ut sibi sociam Roma atque Athenæ faciliè addiscerent. Felicem terram iuteris putissimò cœlo atque aëre saluberrimo, quæ tor viros tantæ gloriæ sustinendæ parces tamdiu in sinu tuo protuleris, vel in sinum exceptos excolueris. Brit ultimum salubritatis aëtis Parisini argumentum Facultatis Parisiensis toto orbe celeberrimâ testimonium: Hæc iussu Philippi, quo ducc & auspice tui vivimus, hortante & promovente Archiatrorum Comites, qui gravi & laborioso officio tantâ sedulitate defungitur, annis 1715 & 1716 convocata pluries, ut iudicium ferret an teneerrima valctudo Regis infantis, qui spes & delicia populorum, ab aëre Parisino non læderetur, censuit esse saluberrimum, & confirmandæ Regiæ sanitati aptissimum; quod Facultatis iudicium felici eventû comprobatur.

## V.

QUÆ primùm concessa est aëri natura, hanc perrinaciter retinet, excussis teretæ vaporibus; quibus implicatur purior, nativum pondus & elaterium nullum passus detrimentum recipit; similis ille Mercurio, qui, detractâ latrâ ab igne inductâ, ad se redit incorruptus; sic aër vitium ab alieno mutuatur, semper à seipso salubris. Sulphura arsenicalia, sales vitriolici, acidi, fixiores paludibus, fodinis metallicis, sylvis densioribus, terris defossis foetido humore solutis, putribus cryptis, sordibus diurnâ fermentatione maceratis erumpunt, & efficiunt aërem; hanc venenatam gravemque Mephitim spiritu ducimus. Tacitè venenum istud aliquando dilutius, mollius, nec apacè se viens in sanguinem infunditur, quem lento & obscuro progressu serpendo figit. Inde frequentius causæ morborum densis tenebris obvolutæ fugiunt perspicacissimos; aliquando confertus, æstuantque sævo malo spiritus, subitam inferit pernicipem fluenti sanguini; quo statim represso, mors citissima invadit, ut sæpius accidit ex fumo carbonis, expirationibus plutum dolorum novo vino ferventum, aut Cucurbitarum Chymistatum, qui metallica & mineralia igne torquent, si fumos imprudentius hauscrint, quandoque celeriter præfocantur sales & expitantiæ sulphuræ à metallicis igne liquatis cā sanguinem ratione afficiunt, quâ spiritus vitrioli in vulnus animalis infusus; sanguis & cæteri liquores inspissantur, densantur lethali coagulo, ut apertis cadaveribus deprehensum est, & venæ sectione tunc celebratâ patet; vel nullus erumpit, vel statim ut tenax viscus sanguis concrevit. At, inquires, mores & a morbos hominum temporum mutationibus adscripsit Hippocrates. Arnullos terrarum tractus Parisiensis magis istis mutationibus patet, nullus utitur tam vario medicæ cœlo. Sed Scriptor perspicax intellexit mutationes magnas, ut ait ipse, frequentissimas, plurimùm inter se diversas, quæ possint naturam permutare: « Ubi sciam autem non valde variant tempora, inquit, illic equalissima regio est, quod idem & de hominibus ipsis est intelligendum. » Neque artem magnæ suad Parisiis, neque diurnæ, licet frequentes mutationes. Aria frigora diu non sæviunt; æstus & imbres penè æquatis vicibus regnant. Hinc nulli sunt morbi Epidemici, nulli Endemii. Qui suboriuntur, citò relinquunt stationem, nullo superflite vestigio.

Nullus circa Parisiensem aërem nos scrupulus angere, si solùm ubi regnat, tantùm spectaretur, nullum fortè toto orbe naturâ sitque felici salubrius est. Si corruptelæ obrepant, erunt in casus & alienas occasiones refundendæ, ut sordes ex coallitu plebis ingentis oriundas, stercora, latrinas, cadavera mortuorum intrâ urbis septa conditotum, nosocomia, lanienas. Mirum ab istis frequentissimè in urbe pestem non debacchari, & funerum vastitate non orbari civibus. Tot ad capularem senectutem vitam Luctetia præstahunt, quot ubivis

a Pisani 1408. Constantinensi 1414. Basilienfi 1430.

b Innoc. III. 1207. Gregor. IX. 1240. Innoc. IV. 1246. Honor. III. 1217.

c Philipp. Pulcher, 1307. Philipp. Valesius, 1322. Ludovicus XII. 1512. Carolus VI. 1396. Carolus VII. 1438. Ludovicus XIV. 1688.

d Ludovicus Pœrier.

e L. de aëre, locis & aquis, §. 34, 33, & seq.

f Apher. 1. sect. 3.

g L. Cæter. §. 34.

terrarum : quod acceptum Regum diligentia, & Magistratuum vigiliis referre debent ; horum negligentia circa munditiam semper fuit civibus exitialis, ut fidem faciunt Historici ; sed ubi obtemperare Legibus & Decretis parere religio fuit : & contagia mala , & morbi Epidemici & pestis evanuerunt. Innumera sunt à Divo Ludovico ad hæc tempora Regum Diplomata, Senatusconsulta, Magistratuum urbis præfectorum Statuta , quibus ab urbe vel arcen-  
tur animalia quorum foetote aër inquinaretur , vel domorum ac viarum mundities imperatur, vel iussa præscribuntur Lanionibus, Salsamentariis, Coriariis, &c. ne totam urbem reddant pestilentem ; vel penitus Artes ex urbe pelluntur, quæ aërem inficiunt, & figulina ob metallicos vapores erumpentes ex argilla, vel spectant ad flumen, ne putribus inquinetur, &c.

*Ergo est aer urbis & agri Parisiensis saluberrimus.*

Proponebat Parisiis LUDOVICUS-CLAUDIUS  
BOURDELIN, Parisinus, Baccal. Medicus.  
A. R. S. H. 1718, à sextâ ad meridiem.